

Na osnovu člana 16. stav 4. Zakona o Vladi Zeničko-dobojskog kantona – Prečišćeni tekst (“Službene novine Zeničko-dobojskog kantona”, broj: 7/10), a u skladu sa članovima 28. stav (1) i 45. stav (1) Zakona o izvršavanju Budžeta Zeničko-dobojskog kantona za 2020. godinu (“Službene novine Zeničko-dobojskog kantona”, broj: 24/19 i 14/20), na prijedlog Ministarstva za privredu, Vlada Zeničko-dobojskog kantona, na 80. sjednici održanoj dana 23.10.2020. godine, d o n o s i:

ZAKLJUČAK

o izmjenama i dopunama Programa utroška budžetskih sredstava u 2020. godini (Subvencije privatnim preduzećima i poduzetnicima) (Ostale subvencije preduzećima za saniranje štete u privredi uzrokovanih pandemijom COVID-19)

I.

U Programu utroška budžetskih sredstava u 2020. godini (Subvencije privatnim preduzećima i poduzetnicima) (Ostale subvencije preduzećima za saniranje štete u privredi uzrokovanih pandemijom COVID-19) Ministarstva za privredu, usvojenog Zaključkom Vlade Zeničko-dobojskog kantona, broj: 02-11-6347/20 od 08.05.2020. godine, u tački 1. iznos od “3.610.000,00 KM” zamjenjuje se iznosom od “1.010.000,00 KM”.

II.

Iza tačke 1. dodaju se tačke 2., 3., 4. i 5. koje glase:

„2. SUBVENCIONIRANJE TROŠKOVA JAČANJA KONKURENTNOSTI

Iznos: 1.000.000,00 KM

Svrha: Pružanje pomoći privrednim subjektima sa područja Zeničko-dobojskog kantona kod saniranja nastalih posljedica u poslovanju uzrokovanih pandemijom COVID-19 kroz podršku kod investiranja u stalna sredstva koja se koriste u poslovanju za obavljanje djelatnosti.

Vlada Kantona će subvencionirati (refundirati) troškove nabavke stalnog sredstva (fakturisanog iznosa u KM bez PDV-a) u 2020. godini, ali ne više od 30.000,00 KM.

Radi obavještanja korisnika o mogućnostima dobivanja sredstava poticaja, javni poziv se objavljuje na oficijelnoj web stranici Kantona.

Organizacija-primatelj: Privredni subjekti iz područja prerađivačke djelatnosti (C/D-nove/stare Standardne klasifikacije djelatnosti) registrovani u Zeničko-dobojskom kantonu, koji dokažu da su u periodu od 01.01.2020. godine do podnošenja zahtjeva po Javnom pozivu izvršili nabavku stalnog sredstva i koji ispunjavaju uslove definisane članom 2. Zakona o poticanju razvoja male privrede („Službene novine Zeničko-dobojskog kantona, broj: 7/16 i 7/20).

Kriteriji: Prema Javnom pozivu.

3. SUBVENCIONIRANJE ADMINISTRATIVNIH TROŠKOVA KOD IZGRADNJE PROIZVODNIH OBJEKATA

Iznos: 800.000,00 KM

Svrha: Pružanje pomoći privrednim subjektima sa područja Zeničko-dobojskog kantona kod saniranja nastalih posljedica u poslovanju uzrokovanih pandemijom COVID-19 kroz subvencioniranje administrativnih troškova kod izgradnje proizvodnih objekata.

Vlada Kantona će odobriti subvenciju administrativnih troškova kod izgradnje proizvodnih objekata u jednokratnom iznosu, ali ne više od 30.000,00 KM.

Radi obavještanja korisnika o mogućnostima dobivanja sredstava poticaja, javni poziv se objavljuje na oficijelnoj web stranici Kantona.

Organizacija-primatelj: Privredna društva registrovana za obavljanje proizvodnih djelatnosti u Zeničko-dobojskom kantonu, koja proizvodni objekat izgrade na području Zeničko-dobojskog kantona u periodu od 01.01.2020. godine do podnošenja zahtjeva po Javnom pozivu i na koje je upisano pravo vlasništva nad objektom poticaja i koji ispunjavaju uslove definisane članom 2. Zakona o poticanju razvoja male privrede („Službene novine Zeničko-dobojskog kantona, broj: 7/16 i 7/20).

Kriteriji: Prema Javnom pozivu.

4. SUBVENCIONIRANJE INVESTICIJA KOD OBRTA IZ PODRUČJA PRERAĐIVAČKE DJELATNOSTI

Iznos: 500.000,00 KM

Svrha: Pružanje pomoći privrednim subjektima sa područja Zeničko-dobojskog kantona kod saniranja nastalih posljedica u poslovanju uzrokovanih pandemijom COVID-19 kroz subvencioniranje investicija kod obrta iz područja prerađivačke djelatnosti.

Vlada Kantona će subvencionirati (refundirati) troškove izgradnje proizvodnih objekata i nabavke osnovnih sredstava (fakturisanog iznosa u KM bez PDV-a) u 2020. godini, ali ne više od 30.000,00 KM.

Radi obavještanja korisnika o mogućnostima dobivanja sredstava poticaja, javni poziv se objavljuje na oficijelnoj web stranici Kantona.

Organizacija-primatelj: Obrtnici registrovani u Zeničko-dobojskom kantonu po Zakonu o obrtu („Službene novine Federacije BiH”, broj: 35/09 i 14/11) iz područja djelatnosti D- Prerađivačka industrija (stare Standardne klasifikacije djelatnosti) ili C- Prerađivačka industrija (nove Standardne klasifikacije djelatnosti), za koju posjeduju dozvolu za obavljanje djelatnosti izdatu od nadležnog organa najkasnije do 31.12.2019. godine i koji ispunjavaju uslove definisane članom 2. Zakona o poticanju razvoja male privrede („Službene novine Zeničko-dobojskog kantona, broj: 7/16 i 7/20).

Kriteriji: Prema Javnom pozivu.

5. REGRESIRANJE KAMATA NA KREDITE

Iznos: 300.000,00 KM

Svrha: U svrhu pružanja pomoći privrednim subjektima sa područja Zeničko-dobojskog kantona kod saniranja nastalih posljedica u poslovanju uzrokovanih pandemijom COVID-19, subvencionirat će se obračunate i plaćene kamate u periodu od 01.01.2020. godine do 30.09.2020. godine na kredite privrednih subjekata odobrenih u 2020. godini.

Vlada Kantona će subvencionirati uplaćene kamate za kredite odobrene u 2020. godini u iznosu koji će nominalno iznositi maksimalno 10.000,00 KM za period od 01.01.2020. godine do 30.09.2020. godine.

Radi obavještanja korisnika o mogućnostima dobivanja sredstava poticaja, javni poziv se objavljuje na oficijelnoj web stranici Kantona.

Organizacija-primatelj: Privredna društva i subjekti iz obrtničkih djelatnosti, koji se bave djelatnošću iz navedenih područja iz tačke 2. Javnog poziva i koji ispunjavaju uslove definisane članom 2. Zakona o poticanju razvoja male privrede („Službene novine Zeničko-dobojskog kantona, broj: 7/16 i 7/20).

Kriteriji: Prema Javnom pozivu.“

III.

U Programu utroška budžetskih sredstava u 2020. godini (Subvencije privatnim preduzećima i poduzetnicima) (Ostale subvencije preduzećima za saniranje štete u privredi uzrokovanih pandemijom COVID-19) Ministarstva za privredu Zeničko-dobojskog kantona, Rekapitulacija istog se mijenja i glasi:

REKAPITULACIJA

Rb.	NAZIV PROGRAMA	Iznos sredstava /KM/
1.	SUBVENCIONIRANJE NAJNIŽE PLATE NA NIOVU FBIH	1.010.000,00
2.	SUBVENCIONIRANJE TROŠKOVA JAČANJA KONKURENTNOSTI	1.000.000,00
3.	SUBVENCIONIRANJE ADMINISTRATIVNIH TROŠKOVA KOD IZGRADNJE PROIZVODNIH OBJEKATA	800.000,00
4.	SUBVENCIONIRANJE INVESTICIJA KOD OBRTA IZ PODRUČJA PRERAĐIVAČKE DJELATNOSTI	500.000,00
5.	REGRESIRANJE KAMATA NA KREDITE	300.000,00
UKUPNO:		3.610.000,00

IV.

Za realizaciju ovog zaključka zadužuju se Ministarstvo za privredu i Ministarstvo finansija, svako u okviru svoje nadležnosti.

V.

Zaključak stupa na snagu danom donošenja.

Broj: 02- 11-17214 /20
Datum, 23.10.2020. godine
Zenica

DOSTAVLJENO:

☒ 1x Ministarstvo za privredu,
☐ 1x Ministarstvo finansija,
☐ 1x a/a.

